

Relatóriu Avaliasaun ba Potensiál Violénsia Eleitoral iha 2017



Dili, 31 Marsu 2017
NGO Belun

Konteúdu

1. Introdusaun..... 3

2. Desk Review..... 3

 2.1 Dadus Insidente..... 3

 2.1.1. Dadus Insidente Husi relatóriu final EVER ba eleisaun parlamentár iha periodu 2007..... 3

 2.1.2. Dadus Insidente AtReS ba eleisaun parlamentár iha periodu Marsu to'o Setembru 2012..... 4

 2.1.3. Dadus Insidente AtReS liga ba konflitu polítiku Jerál husi Períodu (Outubru 2012- Setembru 2016)..... 6

 2.1.4. Dadus Insidente AtReS ba aspeitu hotu-hotu durante periodu (Outubru 2015- Setembru 2016) 6

 2.1.5. Dadus Insidente AtReS ba Violénsia ho Ligasaun Eleisaun Orgaun Suku 2016 8

 2.2 Monitorizasaun ba Mudansa Situaun 9

 2.2.1. Dadus Situaun AtReS ba IPK Outubru 2015-Setembru 2016..... 9

 2.2.2. Dadus Situaun AtReS liga ba asuntu política Fevereiru 2012 to'o -Setembru 2016 9

3. Field Research 11

 Rezultadu Survey 11

Konkluzan:..... 13

Rekomendasaun Sira:..... 14

1. Introdusaun

Objetivu relatóriu ne'e atu buka hatene area ne'ebé mak vulneravel bá konfliktu durante periodu eleisaun Presidensiál no Parlamentár iha 2017, hodi Belun no stakeholder sira seluk bele fokus sira nia atividade atu prevene violénsia eleitorál ho loloos.

Bazeia ba rezultadu análise bele define katak husi Munisípiu no Postu Administrativu balun hatudu kompotibilidade duni no iha indikasaun forte ba Munisípiu tolu mak iha probabilidade risku aas ba konfliktu hanesan Munisípiu Baukau, Dili no Vikeke.

Parte nivel Postu Administrativu ne'ebé sai risku primeiru mak Baukau Vila no Dom Aleixo; segundu mak Cristo Rei, Uatulari, Aileu Vila, Laga, Bazartete. Parte terseiru hatudu risku mak Ermera Vila, Lospalos, Ossa, Vikeke Vila, Vemasse, Lautein, Vera Cruz, Tilomar, Maliana, Letefoho, Metinaro, Remexio no Hatulia.

2. Metodolojia

Ba avaliasaun ne'ebé hakerek liuhosi sistema Atensaun no Responde Sedu (AtReS), Especialista Peskiza no Dezenvolvimentu Polítika— halo iha faze rua hanesan tuir mai:

- Bele identifika area sira ne'ebé iha vulnerabilidade aas liu ba konfliktu refere, faze primeiru ekipa avaliasaun foku liubá tipu dadus ó:
 1. Dadus insidente liga ba violénsia eleitorál iha eleisaun Parlamentár iha 2007;
 2. Dadus insidente liga ba violénsia eleitorál iha eleisaun Prezidensiál no Parlamentár 2012;
 3. Dadus insidente liga ba eleisaun órgaun suku 2016;
 4. Dadus insidente liga ba asuntu polítika ne'ebé la liga ba eleisaun husi Outubru 2012-September 2016;
 5. Dadus insidente liga ba aspetu hotu-hotu husi Outubru 2015 too Setembru 2016;
 6. Análize mudansa situasaun polítiku ho nia rezultadu 'Index Potensiál Konfliktu' (IPK)¹ entre Outubru 2015 to'o Setembru 2016.
- Faze segundu uza análise revista ida ne'e ba fatin ne'ebé identifika ona bele sai tarjetu ba avaliasaun uza métodu entrevista no Fokus Grupu Diskusaun (FGD). Husi Outubru to'o Dezembru 2016, Especialista Peskiza no Dezenvolvimentu Polítika halo vizita no avaliasaun ba postu administrativu 8 iha munisípiu 7 hanesan Balibo, Baukau Vila, Bazartete, Dom Aleixo, Hatulia A, Na'in Feto, Tilomar, Vikeké Vila.

2. Revista Dadus

2.1 Dadus Insidente

2.1.1. Dadus Insidente Husi relatóriu final Violénsia Eleitorál no Edukasaun ba Resposta (EVER) ba eleisaun parlamentár iha periodu 2007

Insidente Violénsia ba Kada Munisípiu 13 iha territóriu:

¹Índeks Potensiál Konfliktu (IPK)/(Totál Rezultadu Insidente fahe ba totál Postu Administrativu ne'ebé AtReS tau matan)

Bazeia ba diagrama koluna 1 ne'e hatudu katak total insidente durante periodu eleisaun (husi 28 Maiu 2007 to'o 9 Agostu 2007) hamutuk 162 iha territóriu, insidente hirak ne'e mai husi periodu 28 Maiu – 12 Juñu (R1) periodu konsolidasaun; 13 – 29 Juñu (R2) periodu iha tempu kampaña; 30 Juñu (R3) periodu iha tempu eleisaun; 1 – 12 Jullu (R4) periodu iha tempu hasai resultadu; 13 – 26 Jullu (R5) periodu iha tempu forma koligasaun no 27Jullu to'o 9 Agostu 2007 (R6)² formasaun Governu Konstitusionál. Durante periodu ne'e Munisípiu Baukau mak insidente aas liu ho total 40 insidente, tuir mai Vikeké ho total 23 no pozisaun terseiru mak Oekusi ho total insidente hamutuk 22.³




Diagrama 1: Dadas husi EVER iha eleisaun Parlamentariu 2007.

Nota iha relatóriu primeiru (R1) nu'udar tempu konsolidasaun ho insidente hamutuk 35 to'o relatóriu segundu (R2) nu'udar tempu kampaña ho insidente hamutuk 49 husi dia 28 Maiu to'o 29 Juñu 2007 insidente konfliktu sae maka'as liu. Loron eleisaun dia 30 Juñu 2007 (R3) mosu insidente hamutuk 18. Iha tempu hasai resultadu (R4) insidente tun maka'as ba 4 maibé depois rona resultadu (R5) insidente konfliktu sa'e maka'as fali ba 35 no nafatin nota katak iha insidente, maibé tun utoan ba 21 iha tempu harii koligasaun hodi forma governu nu'udar (R6).

Númeru Insidente Kada Postu Administrativu husi periodu 28 Maiu to'o 31 Agostu 2007⁴. Mak tuir mai:

- Insidente ho número 10 - 15 akontese iha Postu Administrativu Baguia, Baukau no Ermera.
- Insidente ho número 5 – 9 akontese iha Postu Lospalos, Laga, Uatulari, Vikeke, Vemasse, Hatulia, Maliana, PanteMakasar, no Oesilo;
- Insidente ho número 1- 4 akontese iha Postu Tutuala, Iliomar, Uatukarabau, Ossu, Laleia, Manatuto, Fatuberliu, Remexiu, Liquidoe, Cristo Rei, Bazartete, Maubisse, Same, Atsabe, Zumalae, Maubara, Atabae, Balibo, Lolotoe, Suai, Maukatar, Nitibe no Passabe.




Diagrama 2: Dadas Insidente Violénsia husi EVER iha eleisaun Parlamentariu 2007.

Postu Administrativu seluk ne'ebé naran la envolve iha leten laiha insidente ne'ebé mosu iha periodu prosesu eleisaun parlamentár iha 2007.

2.1.2. Dadas Insidente AtReS ba Eleisaun Prezidensiál no mós Parlamentár iha periodu Marsu to'o Setembru 2012

Revista Insidente husi periodu (Marsu – Setembru 2012)

² R1 – R6 (Relatóriu husi EVER husi da uluk to'o ba dala-neen).

³ Relatóriu Finál Election Education and Resolution (EVER), iha Timor-Leste, Outubru 17, 2007 ba "Eleisaun Parlamentár", pájina 9.

⁴ Mapa Insidente ba kada Postu Administrativu iha eleisaun Parlamentár iha periodu 2007.

Análize insidente espesífiku ba asuntu polítiku ne'ebé akontese relasiona ho eleisaun Prezidensiál no Parlamentár husi fulan Marsu to'o setembru 2012.

Revista Insidente husi eleisaun Prezidensial periodu 2012 – 2017. Bazeia ba tabela-2 totál insidente jerál hamutuk ho número 82, insidente ne'e mai husi volta primeiru ne'ebé realiza iha dia 9 Marsu 2012 ho totál insidente 34 no volta segundu realiza iha dia 16 Abril 2012 no número insidente 48.

Insidente iha Eleisaun Prezidensiál 2012				
Nú.	Etapu Eleisaun Prezidensial 2012	Insidente Ronde I (9 Marsu 2012)	Insidente Ronde II (16 Abril 2012)	Totál Jerál
1	Antes Eleisaun	18	33	82
2	Loron Eleisaun	7	2	
3	Depois Eleisaun	9	13	
Total		34	48	82

Tabela-2: Insidente Violénsia tuir etapu eleisaun Prezidensiál husi fulan Marsu - Abril 2012.

Insidente aas liu akontese iha Munisipiu Dili ho número insidente hamutuk 21, Baukau ho 19 no Vikeké ho insidente 16, número ne'e soma husi insidente ne'ebé akontese iha eleisaun Prezidensiál ho Parlamentár. Insidente tun liu akontese tuituir malu mak mosu iha Oekusi no Ainaro ho insidente 1, Covalima, Likisa, Bobonaro no Manatuto ho insidente 4.⁵ Kompara ho eleisaun 2007 insidente aas nafatin iha Munisipiu rua hanesan iha Dili nu'udar nivel primeiru, segundu iha Baukau parte terseiru mak troka no akontese iha Vikeké ne'e hatudu katak Oekusi tuun fali.

Nú	Munisipiu	Insidente	Krime eleitoral	Prosesu Irregularidade	Totál Jerál
1	Vikeke	14	1	0	76
2	Dili	12	3	6	
3	Lautein	6	0	3	
4	Baukau	5	0	4	
5	Likisa	3	1	1	
6	Covalima	2	2	2	
7	Aileu	1	1	2	
8	Bobonaro	1	2	0	
9	Manatuto	1	0	0	
10	Oekusi	1	0	1	
11	Ainaro	0	1	0	
12	Manufahi	0	0	0	
13	Ermera	0	0	0	
Total		46	11	19	76

Tabela-2.1: Insidente Violénsia, krime eleitoral no prosesu irregular iha eleisaun Parlamentár 4 Juñu - 20 Julu 2012

Revista Insidente husi eleisaun Parlamentár periodu 2012 – 2017. Prosesu ba eleisaun ne'e realiza hahú iha dia 4 Juñu to'o 20 Julu 2012 mak tuir mai:

- Dia 4 Juñu to'o 6 Julu 2012, tempu ba kampaña ho número insidente hamutuk ho krime eleitoral no prosesu irregularidade iha 30;
- Dia 7 Julu 2012, lora ba eleisaun ho número insidente no seluseluk iha 21;
- Dia 8 to'o 14 Julu 2012, lora ba apuramentu buletin de votu sira iha 2;
- Dia 15 Julu 2012, lora fó sai rezultadu eleisaun iha 12;
- Dia 16 to'o 20 Julu 2012, tempu ba halo negosiasaun ba forma Governu.

Husi fulan Marsu to'o Setembru 2012 iha tempu eleisaun Prezidensiál no Parlamentár totál insidente ne'ebé refere liubá, violénsia konflitu hamutuk (82 + 46 = 126), ne'e la inklui violénsia eleitoral iha 11 no prosesu irregularidade iha 19.

Komparasaun totál insidente ne'ebé akontese iha eleisaun Parlamentár husi tinan 2007 hamutuk iha 162 kompara ho totál insidente iha eleisaun Prezidensiál no Parlamentár iha tinan 2012 hatudu 126 insidente. Iha diminuisaun ho número insidente 35, nee mai husi (126 – 162 = -35). Maibé kuanu haree loloos de'it número insidente ne'ebé akontese husi eleisaun parlamentár husi 2007 kompara ho eleisaun parlamentár 2012 mak (46 – 162 = -116), ne'e hatudu katak iha mudansa ne'ebé signifikante tebes.

⁵Insidente Konflitu ne'ebé akontese iha periodu eleisaun prezidensiál no parlamentár iha tinan 2012, Dadus monitorizasaun AtReS Marsu – Setembru 2012

2.1.3. Dadus Insidente AtReS liga ba konflitu Polítiku Jerál husi Períodu (Outubru 2012- Setembru 2016)

Analiza tuir mai foka liubá insidente ne'ebé akontese liulu ba asuntu polítiku jerál la'ós ba eleisaun nune'e mós insidente ne'ebé akontese relasiona ezisténsia grupu Konsellu Revolusaun Maubere (KRM) ho nia movimentu polítiku atu halo revolusaun ba sistema governu hodi halo mudansa prosesu dezenvolvimentu.

Nú	Munisípiu	Insidente
1	Baucau	30
2	Dili	10
3	Lautem	4
4	Ainaro	3
5	Bobonaro	3
6	Viqueque	3
7	Ermera	2
8	Oe-cussi	1
Grand Total		56

Tabela 4: Insidente Violénsia nivel Munisípiu período (Out-12 - Set-16)

Bazeia ba tabela 4 hatudu katak Munisípiu Baukau mak insidente aas liu ho total insidente 30, tuir mai Dili ho total 10 no pozisaun terseiru mak Lautein ho total insidente hamutuk 4.⁶ Insidente akontese durante tinan 2015 no barak mosu iha fulan Juñu iha 11, Jullu iha insidente 10 no Agostu iha 5. Haree husi postu ne'ebé akontese Insidente aas liu nota iha Postu Laga ho número 25, tuir mai BaukauVila ho 5 nivel terseiru mak iha Lautein Vila ho 4.

Bazeia ba tabela 5 ne'e ho konkluzaun katak insidente aas liu akontese iha Munisípiu Baukau (Laga no Baukau Vila) tanba durante tinan husi dia 10 Marsu 2014 to'o 8 Agostu 2015 iha atividade grupu KRM no PNTL hamutuk ho F-FDTL halo atusaun ba grupu ne'e no tiru mate Sr. Mauk Moruk. Postu administrativu seluk ne'ebé la hatudu iha tabela ne'e la akontese insidente konflitu liga ba asuntu polítiku jerál.⁷

Nú.	Postu Administrativu	Insidente
1	Laga	25
2	Baucau	5
3	Lautem	4
4	Cristo Rei	3
5	Dom Aleixo, Hatu-Udo, Maliana, Ossu no Vera Cruz mosu rua-rua ba kada postu.	(2 x 5 = 10)
6	Ainaro, Atabae, Atauro, Ermera Vila, Letefoho, Metinaro, Nain Feto, Pante Makasar no Vikeke mosu ida-idak ba kada postu.	(1 x 9 = 9)
Grand Total		56

Tabela 5: Insidente Violénsia Postu Administrativu iha período Out-12 - Set-16)

Nú.	Fulan	Out - Dez 2012	Jan - Dez 2013	Jan - Dez 2014	Jan - Dez 2015	Jan - Dez 2016	Total
1	Jan		0	0	1	0	1
2	Fev		1	0	1	0	2
3	Mar		1	2	1	0	4
4	Abr		0	4	7	2	13
5	Mai		0	0	1	1	2
6	Jun		0	0	11	0	11
7	Jul		0	0	9	1	10
8	Agu		0	0	5	0	5
9	Set		0	0	0	4	4
10	Out	0	0	0	2	0	2
11	Nov	0	1	0	1	0	2
12	Dez	0	0	0	0	0	0
Total Jerál		0	3	6	39	8	56

Tabela 6: Insidente kada fulan durante período Out-12 - Set-16

2.1.4. Dadus Insidente Violénsia AtReS período Outubru 2015- Setembru 2016

Análize tuir mai foka liubá insidente ne'ebé akontese husi aspetu hotu-hotu ne'ebé akontese husi fulan Outubru 2015 to'o Setembru 2016 maibé la'ós de'it ba asuntu polítiku no mós la'ós ba eleisaun de'it.

- Nivel insidente tolu ne'ebé aas liu tuituir malu akontese iha Munisípiu Dili ho número Insidente 516, Baukau ho 136 no nivel terseiru mak Ermera ho 105;
- Nivel insidente tolu ne'ebé ki'ik liu tuituir malu akontese iha Munisípiu Lautein ho número Insidente 51, Aileu 52 no nivel terseiru mak Bobonaru ho 53;

Nú.	Munisípiu	Insidente
1	Dili	516
2	Baukau	136
3	Ermera	105
4	Viqueque	102
5	Ainaro	95
6	Liquica	84
7	Manufahi	83
8	Oe-cussi	74
9	Manatuto	65
10	Covalima	55
11	Bobonaro	53
12	Aileu	52
13	Lautem	51
Total		1471

Tabela 7: Insidente violénsia nivel Munisípiu husi aspetu jerál período Out-15 to'o Set-16.

⁶Insidente konflitu polítiku jerál ne'ebé akontese iha período Outubru 2012 to'o Setembru 2016, Dadus monitorizasaun AtReS.

- Bazeia ba diagrama 3 – koluna hatudu katak insidente aas liu akontese iha Janeiru 2016 ho número insidente 141, tun uitoan to’o fulan Marsu ho número insidente 97 depois sa’e fulan tolu tuituir malu fulan Juñu, Jullu to’o Setembru 2016 hatudu tun sa’e.

Número hirak ne’e korresponde duni katak iha fulan tolu tuituir malu komesa husi Novembru 2015 to’o Janeiru 2016 insidente aas liu ho fatór primeiru mak hemu tua lanu ho número 136, segundu entre joven ho 131 no terseiru mak asuntu entre familia ho 73. Tempu preparasaun ba selebra Natal no tinan foun ema no joven sira barak mak sempre hemu tua lanu depois provoka ba malu no halo violénsia. Ladún akontese insidente liga ba asuntu polítiku maibé akontese insidente 1 iha tempu ne’e.




Diagrama 4: Totál insidente eleisaun suku iha 2017

Bazeia ba tabela 8 kraik ne’e hatudu katak Postu Administrativu ne’ebé insidente aas nivel tolu tuituir malu mak Dom Aleixo mak insidente aas liu ho totál 171 insidente, tuir mai Cristo Rei ho totál 104 no pozisaun terseiru mak Vera Cruz ho totál insidente hamutuk 98.⁸




Diagrama 3: Insidente violénsia husi periodu Out-15 to'o Set-16

Número Insidente Kada Postu Administrativu ne’ebé tun iha postu administrativu tolu tuituir malu mak akontese iha Atabae ho insidente 4, Nitibe ho Tiliomar iha 9 no parte terseiru mak Balibo 11.

Maski insidente violénsia jerál aas liu to’o ho número hamutuk 1471 maibé refere ba asuntu polítiku ne’ebé akontese iha periodu refere ho totál insidente hamutuk 11 ne’ebé mai husi - (Lautem 4; Vera Cruz 2; Ainaro, Atauro, Dom Aleixo, Laga no Ossu hatudu insidente 1 de’it). Husi Postu Administrativu 43 ne’ebé mak Belun ho sistema AtReS tau matan, Postu Administrativu Tutuala mak durante periodu Outubru 2015 to’o Setembru 2016 laiha akontese insidente violénsia.

Nú.	Postu Administrativu	Insidente	Nú.	Postu Administrativu	Insidente	Nú.	Postu Administrativu	Insidente	Totál
1	Dom Aleixo	171	16	Liquica	30	31	Fatuberliu	21	1471
2	Cristo Rei	104	17	Pante Makasar	30	32	Aileu Vila	20	
3	Vera Cruz	98	18	Laga	29	33	Hatu-Udo	20	
4	Baucau	78	19	Vemasse	29	34	Zumalai	19	
5	Nein Feto	76	20	Suai	27	35	Laulara	18	
6	Hatolia	55	21	Ermera	26	36	Laolo	17	
7	Viqueque	46	22	Lautem	26	37	Remexio	14	
8	Maubisse	39	23	Manatuto	26	38	Passabe	13	
9	Maliana	38	24	Lospalos	25	39	Balibo	11	
10	Same	37	25	Alas	25	40	Tilomar	9	
11	Ainaro	36	26	Letefoho	24	41	Nitibe	9	
12	Melinaro	34	27	Maubara	24	42	Atabae	4	
13	Atauro	33	28	Wahulari	24				
14	Ossu	32	29	Laleia	22				
15	Bazartete	30	30	Oesilo	22				
Totál		907	Totál		389	Totál		175	1471

Tabela 8: Insidente violénsia nivel Postu Administrativu husi aspetu jerál periodu Out-15 to'o Set-16.

⁸Dadus rezultadu monitorizasaun AtReS ba mudansa situasaun husi aspetu hotu-hotu husi periodu Outubru 2015 to’o Setembru 2016.

2.1.5. Dadus Insidente Violénsia AtReS Ligasaun Eleisaun Órgaun Suku 2016

Belun nia sistema Atensaun no Responde Sedu (AtReS) konsege halibur insidente violénsia liga ba eleisaun ba Órgaun suku ho total númeru 59, atu hatene kle'an liu bele haree tuir mai:

Bazeia ba diagrama 3 ho tipu koluna ne'e hatudu katak total insidente Munisípiu tolu tuituir malu insidente aas liu Dili ho total 10 insidente, tuir mai Likisá ho total 8 no pozisaun terseiru mak Covalima no Baukau ho total insidente hamutuk 7.

Insidente ki'ik liu tuituir malu mak Manufahi iha insidente 1, Ainaro, Lautein no Oekuseiha 2 nivel terseiru mak Bobonaro no Ermera ho insidente hamutuk 4. Munisípiu Manatuto la akontese insidente violénsia durante periodu eleisaun estrutura suku husi volta primeiru to'o segundu.⁹

Bazeia ba tabela-9 hatudu de'it katak iha Postu Administrativu hamutuk 26 husi total Postu 43 ne'ebé programa AtReS tau matan ne'e signifika katak iha Postu Administrativu 17 mak la akontese insidente violénsia konfliktu iha prosesu tomak eleisaun Órgaun suku nian.

Postu Administrativu	Total Insidente Kada Postu	Soma Jerál
Baukau Vila	7	1 x 7 = 7
Aileu Vila, Dom Aleixo, Tiliomar, Bazartete.	5	4 x 5 = 20
Maliana, Letefoho.	3	2 x 3 = 6
Metinaro, Suai, Ossu, Uatulari, Vikeke Vila, Likisa Vila, Oesilo.	2	2 x 7 = 14
Remexio, Atauro, Na'in Feto, Vera Cruz, Ainaro Vila, Hatu-Udo, Same, Lautein Moro, Lospalos, Balibo, Hatolia, Maubara.	1	1 x 12 = 12
Total Jerál		59

Tabela 9: Insidente Violénsia Eleisaun Estrutura Suku nivel Postu Administrativu, Dadus Minitorizasaun AtReS 29 Outubru no 13 Novembru 2016

Husi insidente violénsia ne'ebé akontese fahe ba volta rua (Primeiru no Segundu) no tuir prosesu bele fahe ba parte tolu hanesan **-(Antes Votasaun, Durante Votasaun no Depois Votasaun)**. Bazeia ba rezultadu monitorizasaun Belun liu husi Sistema AtReS¹⁰ ba insidente violénsia eleitorál ne'ebé akontese iha periodu primeiru volta iha eleisaun orgaun suku ne'ebé realiza ona iha lora 29 Outubru 2016 rejista total insidente 35. Depois kontinua iha segundu volta iha 13 Novembru 2016 ho total insidente ne'ebé rejistu 24, ne'e duni ho total jerál hamutuk 59 insidente violénsia eleitorál ba estrutura suku sira.

Husi total insidente 59 ne'e, insidente 13 uza forsa fiziku ho maneira asalta malu no tuda malu, no restu envolve violénsia verbal de'it hanesan istori malu, haksasuk malu no hakilar malu. Fatin akontesimentu ba insidente hirak ne'e mak: Insidente 7 akontese iha Postu Baukau vila; insidente 5 iha Aileu Vila, Dom Aleixo, Tiliomar no Bazartete; insidente 3 iha postu Metinaro, Suai, Ossu, Uatulari, Vikeké Vila, Likisá Vila no Oesilo. Postu administrativu ne'ebé mosu insidente ida-idak bele haree iha tabela 9.

Dadus hatudu katak maioria insidente hirak ne'e akontese tanba ho votante sira seidauk komprende regra no prosesu eleisaun; fallansu tékniku hanesan – (falta bulletin de votus; deskonfia mosu intervensaun durante eleisaun; votante sira la satisfeitu ho rezultadu eleisaun.

⁹ Dadus monitorizasaun sistema AtReS ba eleisaun estrutura suku husi dia 29 Outubru no 13 Novembru 2016.

¹⁰ Sistema Atensaun no Responde Sedu (AtReS) kobre iha Postu Administrativu 43 (husi total 65) iha Munisípiu 12 no Rejiaun Autonomia Espesial Oekusse

2.2 Monitorizasaun ba Potensial Konflitu no Mudansa Situausaun

2.2.1. Dadus Situausaun AtReS ba Index Potensial Konflitu husi Periodu Outubru 2015 to'o Setembru 2016

Belun nia kalkula ba "Índeks Potensial Konflitu (IPK)" resposta sira husi monitorizador AtReS na'in 86 ba pergunta 66 liga ba indikadór polítika, sosiál, ekonómika no esternál ba potensial konflitu kada fulan.

Bazeia ba tabela-12 kraik hatudu katak:

- IPK aas liu iha postu Administrativu tolu tuituir malu mak: Metinaro (25), Dom Aleixo (-45) no Uatulari ho (-81);
- IPK tun liu iha Postu Administrativu tolu tuituir malu mak: Hatulia (-514), Remexio (-492) no Alas ho (-468).

Rezultadu hatudu duni katak durante periodu ne'e laiha indikasaun konflitu ne'ebé boot atu bele fó afeta ba prosesu eleisaun Prezidensial no Parlamentár iha tempu besik oin mai, bele haree katak âmbito IPK monu iha nivel "Médiu" de'it ho valór mínimu (-307) to'o másimu (+25), (bele haree tabela-12).

Level	Kategoria	Intervál	Kategoria Jenerál	Intervál
5	Menus Tebetebes	-1584	KONFLITU POTENSIAL MENUS	-1584 -634
4	Menus Liu	-1267		
3	Menus	-950.4	KONFLITU POTENSIAL MEDIU	-634 634
2	Mediu Menus	-633.6		
1	Medium	-316.8	KONFLITU POTENSIAL AAS	633.6 1584
2	Mediu Aas	316.8		
3	Aas	633.6		
4	Aas Liu	950.4		
5	Aas tebetebes	1267.2		

Tabela 10: Formulasau level IPK bazeia ba total pergunta 65 husi formulariu monitorizasaun AtReS.

Nú.	Postu Administrativu	IPK	Ámbito	Nú.	Postu Administrativu	IPK	Ámbito	Nú.	Postu Administrativu	IPK	Ámbito
1	Metinaro	25	Mediu	16	Laulara	-257	Mediu	31	Same	-364	Mediu Menus
2	Dom Aleixo	-45		17	Laleia	-258		32	Nein Feto	-366	
3	Watulari	-81		18	Atabae	-273		33	Tutuala	-387	
4	Liquica	-92		19	Atauro	-280		34	Maubisse	-391	
5	Hatu-Udo	-158		20	Viqueque	-280		35	Fatuberliu	-397	
6	Maubara	-172		21	Oesilo	-289		36	Letefoho	-419	
7	Manatuto	-198		22	Zumalai	-298		37	Maliana	-425	
8	Balibo	-202		23	Bazartele	-307		38	Emera	-432	
9	Vemasse	-205		24	Ossu	-307		39	Passabe	-460	
10	Lautem	-207		25	Suai	-321		40	Nitibe	-463	
11	Vera Cruz	-213		26	Lospalos	-333		41	Alas	-468	
12	Cristo Rei	-220		27	Baucau	-339		42	Remexio	-492	
13	Pante Makasar	-228		28	Tilomar	-339		43	Hatulia	-514	
14	Ainaro	-250		29	Aileu Vila	-346					
15	Lado	-255		30	Laga	-364					

Tabela 12: IPK ba kada Postu Administrativu no nivel âmbito konflitu sira, dadus AtReS ba monitorizasaun situausaun.


2.2.2. Dadus Situausaun AtReS liga ba Asuntu Polítika Feveiru 2012 to'o Setembru 2016

Pergunta 4 husi total pergunta 66 iha ligasaun ba asuntu polítika, hanesan tuir mai:

- 21). Atividade partidu polítiku nian aumenta divizaun entre ema iha comunidade?;
- 22). Atividade partidu polítiku ne'ebé envolve ema husi comunidade husi fatin seluk?;
- 27). Tensaun entre ema kona-ba mudansa polítiku ka lideransa polítiku sira – (ez. Eleisaun sira) iha comunidade?;
- 37). Iha atividade ruma ne'ebé envolve partidu polítiku oioin iha comunidade?

Bazeia ba resposta monitorizador sira ba pergunta 4 iha leten durante periodu Feveiru 2012 too Setembru 2016 hatudu katak, preokupasaun ba asuntu polítika aas liu iha: Laulara ho IPK (31), Maubisse ho (27) no Suai ho (25). IPK menus liu iha Remeixo ho (-235), Bazartete ho -198 no Hatulia (-185).

Bazeia ba gráfikú 2.1 hatudu katak flutusaun IPK ba kada fulan durante periodu Feveiru 2012 to'o Setembru 2016, IPK aas liu akontese iha fulan Juñu tinan 2012 ho númeru IPK hamutuk 112 no tun uitoan to'o fulan Julu 2012. Depois tempu formasaun Governu IPK tun to'o nivel ki'ik menus liu husi fulan Agostu ho (-13) no tun-sa'e to'o fulan Dezembru ho (129). Ne'e korresponde duni tanba iha fulan ida ne'e halo duni eleisaun Prezidensiál no Parlamentár.



Gráfikú 2.1: IPK relasiona ho asuntu Polítiku ba eleisaun Prezidensiál no Parlamentár

Nú.	Postu Sira	IPK	IPK per 43 Postu Observadu	Ámbitu	Nú.	Postu Sira	IPK	IPK per 43 Postu Observadu	Ámbitu	Nú.	Postu Sira	IPK	IPK per 43 Postu Observadu	Ámbitu	
1	Loulara	31	0.72	Médiu	16	Balibo	-55	-1.28	Médiu	31	Tutuála	-123	-2.86	Médiu	
2	Maubisse	27	0.63		17	Líquica	-55	-1.28		32	Aileu Vila	-127	-2.95		
3	Suai	25	0.58		18	Zumalai	-57	-1.33		33	Maliana	-127	-2.95		
4	Hatu-Udo	21	0.49		19	Vemasse	-69	-1.60		34	Nitibe	-129	-3.00		
5	Pante Makasar	6	0.14		20	Fatuberliu	-71	-1.65		35	Alas	-133	-3.09		
6	Cristo Rei	5	0.12		21	Maubara	-72	-1.67		36	Atabae	-136	-3.16		
7	Metinaro	4	0.09		22	Letefoho	-79	-1.84		37	Manatuto	-140	-3.26		
8	Watulari	3	0.07		23	Lautem	-85	-1.98		38	Ossu	-157	-3.65		
9	Tilomar	-3	-0.07		24	Lospalos	-95	-2.21		39	Passabe	-165	-3.84		
10	Ainaro	-9	-0.21		25	Vera Cruz	-101	-2.35		40	Laga	-169	-3.93		
11	Laleia	-43	-1.00		26	Lado	-102	-2.37		41	Hatolia	-185	-4.30		
12	Viqueque	-43	-1.00		27	Oesilo	-105	-2.44		42	Bazarlete	-198	-4.60		
13	Ermera	-47	-1.09		28	Atauro	-106	-2.47		43	Remexio	-235	-5.47		
14	Dom Aleixo	-51	-1.19		29	Same	-106	-2.47							
15	Baucau	-53	-1.23		30	Nein Feto	-123	-2.86							
Grand Total												-3432	-79.81		

Tabela 13: IPK ba asuntu Polítiku bazeia ba pergunta (21, 22, 27 no 37) ba eleisaun Prezidensiál, Parlamentar no suku iha periodu Fev-12 to'o Set-16.

Husi fulan Janeiru to'o Dezembru iha tinan 2013, 2014 IPK hatudu menus to'o nivel ki'ik liu tanba iha tempu ne'e públiku sira ladún preokupa ho asuntu polítiku maibé partidu manán maioria parlamentár fokus ba implementasaun sira manuál politika desenvolvimentu. Iha fulan Janeiru to'o Dezembru 2015 hatudu indikasaun katak IPK komesa sa'e uitoan tanba partidu ukun na'in sira komesa hetan crítica husi públiku ba sira nian kompromisu polítiku ba desenvolvimentu barak mak la hatudu indikasaun susesu.

Iha fulan Janeiru to'o Dezembru 2016 IPK komesa sa'e maka'as to'o númeru nivel pozitivu no hatudu aas liu iha fulan Abril 2016 no númeru IPK (86) no tun sa'e maibé iha nivel pozitivu to'o fulan Dezembru ho númeru IPK (55). Ne'e korresponde duni katak iha atividade partidu polítiku sira iha comunidade hanesan – (konsolidasaun, estabesimentu estrutura partidu husi nasional to'o nivel aldeia, lideransa polítiku ka sira nia militante komesa hatún malu no halo defamasaun husi lider ida ba lider polítiku sira seluk.

3. Peskiza iha Baze

Bazeia ba revista dados iha leten, Espesialista Peskiza no Dezenvolvimentu Política AtReS hala'o foku diskusaun grupu no entrevista iha Munisípiu 7 atu hatene liu autór xave hanesan (membru Konsellu Suku, veteranu, juventude nsst), opiniaun no koñesimentu kona-ba polítiku no mós kampaña ba dame, ne'ebé sei ajuda ba identifika kle'an area sira ne'ebé iha risku aas ba violénsia eleitorál. Munisípiu ne'ebé sai tarjetu ba halo FGDs mak Baukau no Vikeké iha parte Leste, Covalima iha parte Súl, Ermera, Likisá no Bobonaro iha parte Weste no mós Dili iha parte sentru.

Rezultadu Survey


Bazeia ba rezultadu survey membru Rede Prevensaun no Responde Konfliktu (RPRK) hamutuk na'in 117 (Feto= 9 no Mane=108), respondente hamutuk na'in 48 dehan, baibain insidente konfliktu akontese maka'as iha tempu kampaña; na'in 31 responde iha tempu konsolidasaun; na'in 12 responde iha tempu eleisaun; na'in 24 responde iha tempu hasai rezultadu no na'in 2 iha Postu Administrativu Laulara-Aileu responde la mosu ka laiha insidente konfliktu iha tempu prosesu eleisaun.

Husi respondente na'in 117, na'in 68 dehan laiha poténsia ba konfliktu iha eleisaun Prezidensial no Parlamentár iha periodu 2017. Na'in 43 dehan iha poténsia ba konfliktu maibé uitoan de'it no na'in 6 responde sei akontese poténsia aas ba konfliktu. Inkonsientamente hatudu katak análize rezultadu dados husi monitorizasaun AtReS bazeia ba insidente violénsia, IPK husi mudansa situasaun jerál, politika kompara ho Belun nia survey direta ba membru RPRK hatudu katak iha poténsia konfliktu maibé 'uitoan de'it'.

Esperiénsia pasadu ba violénsia ne'ebé mosu relasaun ho eleisaun, na'in 70 dehan laiha insidente liga ba eleisaun, na'in 32 dehan dala ruma iha violénsia liga ba eleisaun no na'in 14 mak responde katak sempre mosu violénsia iha eleisaun.

Bazeia ba gráfiku-3 sorin husi survey nee hatudu katak na'in 31 responde insidente violénsia sei mosu iha tempu konsolidasaun, na'in 48 responde katak iha tempu kampaña, na'in 12 iha loron eleisaun no ema 24 responde katak sei mosu iha anunsia rezultadu. Bele korresponde duni katak dala barak insidente violénsia konfliktu sempre akontese iha tempu kampaña tanba konfliktu entre militante ka Massa husi partidu polítiku, provoka ka ataka ba malu, nune'e mós lideransa partidu ne'ebé halo kampaña dala-ruma halo defamasaun ka hatún malu duké sira hato'o sira nia manual polítiku ba povu.

Bazeia ba lista Tribunal Rekursu hatudu katak partidu polítiku ne'ebé eziste iha Timor-Leste hamutuk 31, maibé ezisténsia partidu sira iha Postu



Administrativu menus liu hanesan respondente hamutuk 60 ne'ebé partisipa iha entrevista ka FGD mak dehan partidu 6 to'o 10 mak eziste iha sira nia postu administrativu, ema 35 mak responde partidu 1 to'o 5 mak eziste iha sira nia postu administrativu, na'in 12 mak responde katak husi 11 to'o 15 mak eziste ihasira nia postu administrativu. Ne'e hatudu katak partidu barak maibé laiha estrutura definitivu iha baze ka nivel suku no aldeia.

Refortifika ho rezultadu Fokus Grupu Diskusaun (FGDs) iha baze mós hatudu hanesan, atu klaru liu bele haree tuir mai:

1. Hatulia A: Partidu polítiku eziste iha fatin ida ne'e hamutuk 12 no relasaun entre partidu ne'e hanesan baibain de'it, laiha indikasaun katak iha konflitu.
2. Bazartete: Partidu ne'ebé eziste hamutuk 7, relasaun entre Fretilin ho CNRT metin tebetebes maibé konflitu mosu iha pasadu entre Fretilin ho PD; CNRT ho KHUNTO no PD. Tuir observasaun membru RPRK Bazartete dehan agora laiha indikasaun katak atu mosu konflitu entre partidu polítiku iha eleisaun prezidensiál no parlamentár 2017.
3. Balibo: Partidu ne'ebé eziste hamutuk 10, iha Pasadu partidu polítiku balu iha konflitu maibé ho nivel ki'ik no iha tempu agora laiha indikasaun katak atu mosu konflitu polítiku ruma, no RPRK iha Postu ne'e iha planu atu halo paktu unidade hamutuk hodi garantia pás no unidade nasional.
4. Baukau Vila: Partidu ne'ebé eziste hamutuk 12 no relasaun entre partidu hanesan baibain de'it laiha konflitu no laiha relasaun metin ba malu. To'o agora seidak iha indikasaun ruma katak atu mosu konflitu entre sira tanba Munisípiu Baukau, partidu polítiku sira hamutuk ho autoridade presidente Kámara Munisipál tuur hamutuk hodi asina "PAKTU UNIDADE" atu habele hamosu konflitu husi kualkér partidu polítiku.
5. Vikeke Vila: Partidu ne'ebé eziste hamutuk 9, relasaun entre partidu hanesan baibain de'it, maibé relasaun entre PD, Fretilin Mudansa hamutuk ho CNRT hatudu metin no forsa loos. Membru RPRK iha ona planu atu halo kampaña tama-sai suku no aldeia kona-ba pás no estabilidade maske sira nia partidu polítiku la hanesan.
6. Tilomar: Partidu ne'ebé eziste hamutuk 6, relasaun entre partidu hatudu metin loos CNRT ho Fretilin no F-Mudansa; PD relasaun metin ho F-Mudansa no to'o agora PLP seidak hatudu iha indikasaun ba relasaun tanba partidu foun iha fatin ne'e, relasaun seluk hatudu baibain no laiha partidu iha fatin ne'e mak hatudu konflitu tanba iha comunidade ne'e lisan hotu-hotu iha relasaun kultura família ne'ebé forte tebes.
7. Dom Aleixo: Partidu ne'ebé eziste mak hamutuk 17, relasaun entre partidu durante ne'e hotu di'ak ba malu, sira sei garantia katak eleisaun Prezidensiál iha Marsu no Parlamentár iha fulan Julu 2017 oin mai sei laiha konflitu boot.
8. Na'in Feto: Partidu ne'ebé eziste hamutuk 32 ona no relasaun entre partidu polítiku durante ne'e hatudu di'ak. Ho situaun ne'e membru RPRK iha Postu ne'e garantia katak sei la mosu konflitu boot durante prosesu tomak eleisaun jerál iha 2017 agora.

Ho indikasaun ne'e hatudu katak husi FGDs 8 dehan iha possibilidade konflitu bele mosu maibé ho potencialidade 'uitoan de'it'. Liuliu ba asuntu oráriu, fatin no dalan atu militante uza ka la'o liu hodi halo kampaña iha oras hanesan, tanba ne'e entre militante partidu bele provoca malu no kria insidente violénsia.

Konkluzaan:

Bazeia ba dadus husi esperiénsia eleisaun leizlativa parlamentár husi 2007 no 2012, eleisaun ba Órgaun suku sira, dadus husi monitorizasaun AtReS no entrevista no FGDs husi avaliasaun eleisaun iha baze bele halo konkluzaan katak iha probabilidade mosu konfliktu poténsial maibé utoan de'it iha eleisaun prezidénsial 20 Marsu no parlamentár 2017 iha próximu fulan balu.

Haree husi insidente ne'ebé akontese iha kada eventu, bele konklui katak Munisípiu ne'ebé frequentemente dala barak akontese insidente mak: Munisípiu Baukau mosu iha eventu dala 5; Dili mosu dala 4; Vikeké mosu dala 3; Likisá mosu dala 2 no Munisípiu Covalima, Ermera, Lautein, Manatuto no Oekusse mosu dala-ida de'it. Tabela-14 nu'udar formulasaun:¹¹

Bazeia ho formulasaun ne'ebé hanesan tabela-14 sorin, Postu Administrativu ne'ebé frequentemente dala barak akontese insidente mak:

- Baukau Vila no Dom Aleixofrekuetamente mosu dala 4;
- Cristo Rei, Uatulari, Aileu Vila, Laga, Bazartete mosu dala 2;
- Ermera Vila, Lospalos, Ossu, Vikeke Vila, Vemasse, Lautein, Vera Cruz, Tiliomar, Maliana, Letefoho, Metinaro, Remexio no Hatulia mosu dala 1.

Formulasaun ba dadus leten hatudu katak Munisípiu no Postu Administrativu ne'ebé mak iha possibilidade mosu risku ba konfliktu: Primeiru mak Munisípiu Baukau, Segundu mak Dili no Terseiru mak Vikeké. Nivel Postu Administrativu ne'ebé sai risku primeiru mak Baukau Vila no Dom Aleixo; segundu mak Cristo Rei, Uatulari, Aileu Vila, Laga, Bazartete. Parte terseiru hatudu risku mak Ermera Vila, Lospalos, Ossu, Vikeke Vila, Vemasse, Lautein, Vera Cruz, Tiliomar, Maliana, Letefoho, Metinaro, Remexio no Hatulia.

Nú.	Munisipiu	Total Insidente	Periodu no Eventu
1	Baukau	40	Eleisaun Parlamentár husi 28 Maiu 2007 to'o 9 Agostu 2007.
2	Vikeké	23	
3	Oekusse	22	
Nú.	Munisipiu	Total Insidente	Periodu no Eventu
1	Dili	21	Eleisaun Prezidensial iha 9 Marsu no 16 Abril 2012 no Parlamentár 4 Junu to'o 20 Julu 2012.
2	Baukau	19	
3	Vikeké	16	
Nú.	Munisipiu	Total Insidente	Periodu no Eventu
1	Dili	10	Eleisaun Estrutura Suku dia 29-10-2016 no 13-11-2016.
2	Likisá	8	
3	Baukau no Cavalima	7	
Nú.	Munisipiu	Total Insidente	Periodu no Eventu
1	Baukau	30	Konfliktu Politiku Husi Asuntu Jerál Periodu Out-12 - Set-16 (Ia'ós eventu eleisaun).
2	Dili	10	
3	Lautein	4	
Nú.	Munisipiu	Total Insidente	Periodu no Eventu
1	Dili	735	Flutuasau númeru Insidente Husi Aspetu Jerál Periodu Out-15 - Set-16.
2	Baukau	163	
3	Ermera	158	
Nú.	Munisipiu	Total Insidente	Periodu no Eventu
1	Likisá	-13.28	IPK Nasionál per 43 Postu Administrativu observadu, dadus monitorizasaun ba mudansa situasaun Nasionál.
2	Vikeké	-15.53	
3	Manatuto	-16.53	

Tabela-14: Munisipiu ne'ebé iha potensialidade ka risku atu mosu konfliktu iha eleisaun Prezidensial no Parlamentár.

Maske iha fatin espesífiku liuliu ba nivel Munisipiu no Postu Administrativu balun iha indikasaun risku atu mosu konfliktu maibé bele ho nivel ki'ik. Tanba iha Postu lubuk ida ne'ebé eziste RPRK iha ona planu no kometimentu atu halo atividade ka asaun dame antes tempu prosesu eleisaun Prezidensial no Parlamentariu 2017.

Finalidade husi avaliasaun ne'e mak atu hili Postu Administrativu ne'ebé projetu sei foka liubá atividade prevensaun no responde sira liuhosi meus RPRK, no mós atu destaca ba area sira ba autór iha nivel nasionál ba sira nia tarjetu atividade prevensaun rasik. Husi avaliasaun ne'e mós bele uza ba apoiu programa eleisaun sira seluk, partikulármemente ba sira ne'ebé sei envolve an iha atividade edukasaun sívika, edukasaun votante liuliu ba sistema eleitorál, ba sira nia atividade tarjetu iha fatin ne'ebé haree nesesita liu.

¹¹Formulasaun: Ba kada eventu identifika munisípiu tolu ne'ebé nivel potensialidadekonfliktu aas tuituir malu.

Rekomendasaun Sira:

1. Secretariado Técnico de Administração Eleitoral (STAE):
 - a. Fó formasaun klaru ba polling staff no Brigadista sira saida mak sira nia knaar loloos no parte saida mak sira labele fó intervensaun iha prosesu eleisaun;
2. Comissão Nacional Eleição (CNE)
 - a. Relasiona ho prosesu eleisaun jerál no suku sira, husu mós atu fó formasaun ba Fiskais sira husi partidu ida-idak saida mak sira bele observa no halo pedidu keixa iha prosesu eleisaun, labele besik ona mak STAE haruka xefe suku sira hili ema mai haknaar nu'udar polling staff no Brigadista maibé la hetan formasaun espesífiku ruma no ikus mai sira rasik dala ruma la hatene saida mak sira nian papél no responsabilidade lo loos;
 - b. Halo oráriu, fatin no dalan atu halo kampaña hodi ne'e bele antisipa konflitu provokativu entre militante partidu polítiku sira;
 - c. Husu atu hametin liña koordinasaun ho parte PNTL haree liubá oráriu, fatin no dalan ne'ebé Massa la'o liu hodi halo kampaña hodi evita potencialidade provokasaun entre militante partidu atu nune'e bele aseguara seguransa iha prosesu eleisaun.
3. Ba Governu no Estadu:

Husu ba Ministériu Administrativu Estatál atu bele aloka orsamentu tuir nesidade importante ba preparasaun eleisaun hotu liuliu iha eleisaun ba estrutura suku sira iha periodu oin mai hanesan – (bulletin de votu no foto candidatura atu nune'e fasil ba inanam analfabetu sira, sentru votasaun ne'ebé besik populasau no seluseluk tan.
4. Ba Partidu Polítiku Sira:
 - a. Partidu polítiku sira tenke identifika ona sira nia Fiskais sira iha suku no aldeia sira no fó formasaun polítiku no identifika sira nia papél no responsabilidade klaru ba observadór prosesu eleisaun no hatene klaru saida mak sente kontra regras no pruntu atu hato'o keixa ne'ebé apropriadu no efikás;
 - b. Husu ba partidu polítiku sira atu bele kumpre regra sira ba eleisaun husi hahú kampaña, tempu eleisaun no rezultadu atu nune'e prosesu hotu-hotu la'o tuir conseitu demokrasia atu nune'e bele evita potencialidade konflitu entre militante partidu;
 - c. Husu ba partidu polítiku sira atu halo kampaña iha loron no halo iha fatin ne'ebé identifikadu ona labele halo iha kalan ka viajen kalan;
 - d. Husu ba lideransa partidu polítiku sira atu kampaña karik lalika tula Massa ka militante husi Munisípiu ida ba Munisípiu seluk hodi antisipa insidente konflitu no mós antisipa asidente tráfiku sira;
 - e. Husu ba lideransa partidu polítiku sira atu halo kampaña lalika hasai lian-fuan kro'at hodi halo defamasaun ba lider partidu polítiku sira seluk hodi nune'e bele evita sira seluk bele ofendidu.
5. Ba Organizasaun Naun Governmental (NGOs):
 - a. Ba NGO Belun, nafatin suporta RPRK iha nivel Postu Administrativu atu halo kampaña dame, juramentu kultura no asina 'Paktu Unidade Nasionál' ne'ebé envolve membru partidu polítiku oioin hamutuk ho comunidade jerál iha nivel postu, suku no aldeia ba hametin dame iha comunidade;
6. Ba Veteranu no Antigo Kombatente Sira:
 - a. Husu ba veteranu no antigo kombatente sira atu hamutuk nafatin hodi tane aas soberania Estadu maske entre imi iha diferença ideolojia partidu hodi garantia estabilidade país;

- b. Mantém naftin imi nia solidariedade nu'udar veteranu no antigu kombatente no labele soe lia-fuan defamasaun entre imi iha kampaña maibé hamutuk hodi respeita no valorize naftin imi nian kontribuisaun luta ba libertasaun nasional hodi sai istória no bele sai ezemplu pozitivu ba jersaun foun tuir mai.
7. Husu ba lider relijiozu sira no familia inan-aman sira:
- a. Husu ba lider relijiozu sira atu hasai mensajen dame ba sarani sira no mós fó mensajen ba familia inan-aman atu fó orientasaun di'ak ba oan sira hodi labele envolve iha movimentu kampaña partidu polítiku sira ne'ebé sira dala ruma envolve iha insidente konfliktu hanesan tuda malu, konvoi motor la tuir regra tranzitu sira polisia nian bele iha potenciál boot ba asidente tráfico;
 - b. Husu ba inan-aman atu bele fó orientasaun ka konxiénsia morál ba oan sira hodi labele envolve iha movimentu kampaña, maibé fokus ba sira nia estudu.
8. Husu ba Polisia Nasionál Timor-Leste (PNTL):
- a. Husu naftin ba Polisia sira atu hatudu atendentu imparsiál ba asegura seguransa iha prosesu tomak eleisaun liuliu iha eventu kampaña husi partidu polítiku hotu-hotu entre tantu iha naftin direitu atu tuir votasaun hodi hili;
 - b. Reforsa liña koordenaun ho CNE no STAE ba oráriu kampaña no garantia no asegura seguransa ba urna de votu iha prosesu apuramentu.